

La riviste 'La Comugne', edite de Kappa Vu, e je rivade al numar 25. Lis novitâts nu ses conte Pauli Cantarut, un dai siei curadôrs.

» DI CHRISTIAN ROMANINI

Ason rivâts a 25 i numars de riviste leterarie edite di KappaVu 'La Comugne', nassude tal 1997.

Fin dal prin numar il curadôr, cun **Alessandra Kersevan**, al stât e al continue a jessi **Pauli Cantarut**, che o vin sintût par cognossi plui tal detai i aspjets di chest ultin numar.

Cualis sono lis principâls novitâts?

"Pe prime volte di cuant che e je nassune, o vin une 'Comugne in tecnicolor', ven a stâi dute in cuatri colôrs. Lis fotos di chest an a son di **Marco Cuoco** e tra lis gnovis firmis leterariis o vin **Santiago Zanier** e **Giacomo Trevisan**".

Ce contino lis fotos?

"Cuoco al è un zovin fotograf de Basse, che si caraterize pal amôr pe nature e pes bestiis che a son il teme ancje des imagjins publicadis su la Comugne. Come par chei altris numars, lis fotos no descrivin il contignût des contis, ma a rapresintin une storie par so cont, intune sorte di leterture visive".

Cui sono Zanier e Trevisan?

"Come che si pues intuî, Santiago Zanier al è un pseudonim di un zovin, di pari cjargnel e mari galiziane: il non al è une sorte di omaç ae mame e al papà. Ce che al maravee te sò conte e je la grande paronance sintatiche e lessicâl dal so furlan. Trevisan invezit al scomence a jessi un personaç za plui cognossût: secont classificat



Il laboratori leterari che al plâs

tal proget Joy di Onde Furlane, al è di Codroip. Atôr e animadôr culturâl al è autôr di 'Mistero contadino', opare leterarie che e met dongje e e confronte lis figuris di **Gilberto Pressacco** e **Pier Paolo Pasolini**".

Ce ti aial sorprendût di chest numar?

"Ancje se nol è stât concuradât, o vin cjatât un teme che al torne in diviersis contis: la violence su lis feminis, un argument simpri di atualitât, magari cussî no".

Podino fâ un belanç dopo 25 numars?

"La Comugne, fin dal principi, e à vût e e à voie di continuâ a jessi un spazi viert, ancje par autôrs no cognossûts. O vin proponût diviers gjenars, de conte

al fumut, dal saç ae senegjature... il fat che o vin vût simpri zovins che si son proponûts al conferme che e ven percepide propit par chest: un lûc a disposizion".

Cemût stae la leterture?

"Fevelant di lenghe furlane, o pues dî che e je ben vive, ancje se ogni tancj mès e ven fûr la polemiche che il furlan al è muart. Scrivi nol è cussî facil parcè che si à di studiâ, ma se si rive a dâ i stimui juscj, i zovin a rispuindin ben e a produsin".

Dulà si cjatie La Comugne?

"In dutis lis bibliotechis dal Friûl e sul sît www.kappavu.it".

✉ ilfriuli@ilfriuli.it

■ SOCIETÂT FILOLOGJICHE
Proget dedicât al prin conflit mondiâl

La Societât filologjiche furlane e je cjâffile dal proget "Conosciamo la Grande Guerra in Friuli Venezia Giulia" dedicât ai students des classis cuintis des scuelis primariis e des classis tiercis des scuelis secundariis di prin grât dal territori regionâl. L'obietif al è aprofondî la cognossince dai fats leâts al prin conflit mondiâl midiant di percors pluridisciplinârs e plurilinguistics. Il proget al è finanziât de Regjon cun bant ex leç regionâl 11 dal 2013.

Tal progjets a son coinvoltis ancje l'Istitût pai incuintris culturâi miteuropeans e l'Istitût di storie sociâl e religjose di Gurize; la Deputazion di storie patrie pal Friûl; l'Istitût sloven di ricerce e diviers istitûts comprensîfs des provinciis di Gurize, Pordenon e Udin.

Sul sît www.filologica-friulana.it si pues consultâ e discjamâ il prin fassicul publicât "Popolo alle armi" sui events 1914. In curt a saran disponibilis ancje lis versions in lenghe inglese, todesce, slovene e furlane.

SCOLTADIS DI DRIUS

Miluçs regalâts

"A trop i miluzs?"
Un euro al chilo. "Ta che altre buteghe ju àn a 70 sentesims? Ch'al vadi a compraju là. "Ju àn finîs".
Quand che son finîs jo ju regali!



radio fantasy fm

la radio tra la gente

SMS: 393 00 90700
diretta@radiofantasy.it
TEL. +39 0431 30022

UDINE VENETO ORIENTALE	FM 90.700	GORIZIA	FM 89.100	PAULARO	FM 107.700
PORDENONE	FM 95.800	TRIESTE	FM 89.100	TOLMEZZO	FM 101.600

www.radiofantasy.it